

अदितिद्यौरदितिरंतरिक्षमदितिर्माता स पिता स पुत्रः ।
विश्वे देवा अदितिः पंच जना अदितिर्जातमदितिर्जनित्वं ॥ १० ॥

९०

ऋजुनीती नो वरुणो मित्रो नयतु विद्वान् । अर्यमा देवैः सजोषाः ॥ १ ॥
ते हि वस्वो वसवानास्ते अप्रमूरा महोभिः । व्रता रक्षन्ते विश्वाहा ॥ २ ॥
ते अस्मभ्यं शर्म यंसन्नमृता मर्त्येभ्यः । बाधमाना अप द्विषः ॥ ३ ॥
वि नः पथः सुविताय चियं त्विद्रो मरुतः । पूषा भगो वंद्यासः ॥ ४ ॥
उत नो धियो गोअयाः पूषन्विष्णवेवयावः । कर्ता नः स्वस्तिमतः ॥ ५ ॥
मधु वाता ऋतायते मधु क्षरन्ति सिंधवः । माध्वीर्नः संत्वोषधीः ॥ ६ ॥
मधु नक्तमुतोषसो मधुमत्यार्थिवं रजः । मधु द्यौरस्तु नः पिता ॥ ७ ॥
मधुमान्नो वनस्पतिर्मधुमाँ अस्तु सूर्यः । माध्वीर्गावो भवन्तु नः ॥ ८ ॥
शं नो मित्रः शं वरुणः शं नो भवत्वयमा ।
शं न इन्द्रो बृहस्पतिः शं नो विष्णुरुक्मः ॥ ९ ॥

९१

त्वं सोम प्र चिकितो मनीषा त्वं रजिष्ठमनु नेषि पंथा ।
तव प्रणीती पितरो न इन्द्रो देवेषु रत्नमभजंत धीराः ॥ १ ॥
त्वं सोम ऋतुभिः सुऋतुर्भूस्त्वं दक्षैः सुदक्षो विश्ववेदाः ।
त्वं वृषा वृषत्वेभिर्महित्वा द्युम्नेभिर्द्युमन्यभवो नृचक्षाः ॥ २ ॥
राज्ञो नु ते वरुणस्य व्रतानि बृहद्गभीरं तव सोम धाम ।
शुचिष्ठमसि प्रियो न मित्रो दक्षाय्यो अर्यमेवासि सोम ॥ ३ ॥
या ते धामानि दिवि या पृथिव्यां या पर्वतेष्वोषधीष्वप्सु ।
तेभिर्नो विश्वैः सुमना अहेळन्नाजन्तोम प्रति हव्या गृभाय ॥ ४ ॥
त्वं सोमासि सत्यतिस्त्वं राजोत वृत्रहा । त्वं भद्रो असि ऋतुः ॥ ५ ॥
त्वं च सोम नो वशो जीवातुं न मरामहे । प्रियस्तोत्रो वनस्पतिः ॥ ६ ॥